

MALENGO YA MITUME YA ALLAH NO.3

<"xml encoding="UTF-8?">

BISMILAHİ RAHMANİ RAHIYMI

KWA JINA LA MWENYEEZI MUNGU MWINGI WA REHEMA MWENYE KUREHEMU

MALENGO YA MITUME YA MWENYEEZI MUNGU NO.3

.?Mitume Mitukufu ya Mwenyeezi Mungu imekuja kuwalingania wanaadamu katika kitu gani *

katika makala iliyopita tulielezea kuhusu malengo ya Mitume ya Mwenyeezi Mungu, katika makala iliyopita tulielezea lengo moja miongoni mwa malengo ya Mitume, nalo lilikuwa ni kutumia akili na kupinga kukalidi bila ya kuwa na dalili au elimu yoyote. katika makala hii tunaendelea na lengo jengine nalo ni kuwalingania watu kumuabudu Mola mmoja na kupingana .na wafanyao shirki

.MITUME (A.S) IMESHIRIKIANA KATIKA MALENGO YAO

Tukitupilia macho elimu ya Tarekhe tutafahamu kuwa katika kipindi chote kilichopita elimu ya Tarekhe inathibitisha kuwa Mitume yote imekuja ikiwa na malengo mamoya, nayo ni kuwalingania wanaadamu kwa kuwataka wamuabudu Mola mmoja. Miongoni mwa malengo -:mengine ya Mitume ya Mwenyeezi Mungu ni haya yafuatayo

KUWALINGANIA TAWHIYD NA KUPINGANA NA WAFANYAO SHIRKI SHIRKI .2

Mitume yote imekuja kuwalingania watu kumuabudu na kumuamini Mola mmoja, na .kujiepusha na shirki

Kwa hiyo baada ya kuwalingania watu kutumia akili na kudabiri, akili ambayo ndio chanzo cha kufahamu na kukubali haki, malengo muhimu ya Mitume katika kuwalingania watu na kuwaongoza ni kumuabudu Mola mmoja na kujiepusha na kumshirikisha, na vile vile -:kujiepusha na kutii amri yza kitaluti,Ufafanuzi wa neno Tawhiyd

Tukielezea maana ya neno Tawhid – kwa upana zaidi – yaani ni kumuabudu Mola mmoja tu, Mola wa mbingu na ardhi, na wala hana mshirika. Kama anavyosema Mwenyeezi Mungu -: (kumuambia Nabii Mussa (a.s

إِنِّي أَنَا اللَّهُ لَا إِلَهَ إِلَّا أَنَا فَاعْبُدْنِي وَأَقِمِ الصَّلَاةَ لِذِكْرِي [1]

Hakika Mimi ndiye Mwenyezi Mungu. Hapana mungu ila Mimi tu. Basi niabudu Mimi, na ushike
.Sala kwa ajili ya kunikumbuka Mimi

Maana nyengine ya neno tawhiyd, ni kutii na kufanya amali kwa amri zake Mwenyeezi Mungu
tu. Kama alivyosema Nabii Yussuf (a.s) kuwaambia wenziwe waliokuwa gerezani pamoja
-:naye

مَا تَعْبُدُونَ مِنْ دُونِهِ إِلَّا أَسْمَاءَ سَمَّيْتُمُوهَا أَنْتُمْ وَآبَاؤُكُمْ مِمَّا أَنْزَلَ اللَّهُ بِهَا مِنْ سُلْطَانٍ إِنَّ الْحُكْمَ إِلَّا لِلَّهِ أَمَرَ أَلَّا تَعْبُدُوا
إِلَّا إِيَّاهُ ذَلِكَ الدِّينُ الْقَيِّمُ وَلَكِنَّ أَكْثَرَ النَّاسِ لَا يَعْلَمُونَ [2]

Hamuabudu badala yake ila majina tu mliyo yapanga nyinyi na baba zenu. Mwenyezi Mungu
hakuyateremshia hayo uthibitisho wowote. Hapana hukumu ila ya Mwenyezi Mungu tu. Yeye
ameamrisha msimuabudu yeyote isipo kuwa Yeye tu. Hiyo ndiyo Dini Iliyo Nyooka. Lakini watu
.wengi hawajui

Hapa anawabainishia baadhi ya Tawhiyd ya Mwenyeezi Mungu, mtu huchukua fursa ya*
.kufundisha popote pale anapopatia wasaa, usiitupe fursa ukiipata, usije ukajuta

Surat taha Aya ya 14 [1]

Surat Yussuf Aya ya 40 [2]

MWISHO